

LAVURATORI PRONOMS

Enstagl da las lecziuns 9 e 10
dal med Bainvegni



- Pronoms persunals subjects
- Pronoms persunals objects
- Pronoms possessivs
- Pronoms demonstrativs
- Pronoms interrogativs
- Pleds cruschads / engiavinera
- Gieus da pronoms
- Logical



Grammatica en general

Ils pronoms

Ils pronoms remplazzan u accumpognan in substantiv u ina gruppa da plets.

Tar ils **pronoms** distinguan ins (Ev.: I dat las suandantas spezias da pronoms:

- **pronoms persunals**

jau, ti, el, ella, i (igl), nus, vus, els, ellas, i (masculin e feminin plural)

- **pronoms reflexivs**

ma (m'), ta (t'), sa, s', ans, as, sa (s')

- **pronoms demonstrativs**

quel, tschel, lez; sez

- **pronoms relativs**

che, il qual

- **pronoms interrogativs**

tgi, tge, qual, tgenin, quant

- **pronoms indefinits**

ins, insatgi, insatge, tschertins, nagut, mintgin, scadin, finadin, inqualin, intgins, in pèr, plirs, differents, divers, omadus, nagin, tut, bler, pauc, tant

- **pronoms numeralis**

in, dus, trais, ...

emprim, segund, terz, ...



Grammatica 1

Il pronom personal		
Pronoms persunals subjects	jau ti el ella i (igl avant voc.) 'es' ins 'man'	nus vus els ellas i (m./f.)
furma da curtaschia:	Vus	

Pronoms persunals objects	pronoms objects accentuads	pronoms objects nunaccentuads (dativ + accusativ)
	mai nus tai vus el els ella ellas	ma (m' avant voc.) ans ta (t' avant voc.) as al als la (l' avant voc.) las
	exempel: el gida mai el gida tai el gida el el gida ella el gida nus el gida vus el gida els el gida ellas	exempel: el ma gida el m'ha gidà el ta gida el t'ha gidà el al gida el al ha gidà el la gida el l'ha gidà el ans gida el ans ha gidà el as gida el as ha gidà el als gida el als ha gidà el las gida el las ha gidà

**Guarda la grammatica 1.****Suttastritga ils pronoms persunals subjects en l'emprima part da l'istorgia.****La matta e la lungurella***da Jürg Schubiger*

Ina matta enconuscheva mo la curtirella, er ils dis da plievgia, era las dumengias.

Ella sa decida d'emprender ad enconuscher la lungurella.

Ella dumonda l'emprim la dunna al kiosc che susda trasora.

La lungurella era gist anc qua, di la dunna. Ti stos mo spetgar, ella returna prest puspè.

La matta spetga. Ella guarda co che la dunna lavura. Cura che quella dumbra ora ils daners, gioga sia detta sin la chaschutta sco sin in instrument. La lungurella na vegn betg.

...

**La matta e la lungurella***da Jürg Schubiger*

Ina matta enconuscheva mo la curtarella, er ils dis da plievgia, era las dumengias.

Ella sa decida d'emprer ad enconuscher la lungurella.

Ella dumonda l'emprim la dunna al kiosk che susda trasora.

La lungurella era gist anc qua, di la dunna. **Ti** stos mo spetgar, **ella** returna prest puspè.

La matta spetga. **Ella** guarda co che la dunna lavura. Cura che quella dumbra ora ils daners, gioga sia detta sin la chaschutta sco sin in instrument. La lungurella na vegn betg.

...



Suttastritga ils pronoms persunals subjects ed objects en la segunda part da l'istorgia.

La matta e la lungurella

da Jürg Schubiger

...

Forsa l'entaup jau insanua per casualitad, di la matta. Ella engrazia a la dunna e va.

Ma, ponderescha ella cun ir, sche jau l'entaup propi, co la poss jau enconuscher?

La matta dumonda quai ad in um en in vestgì da lavur oransch che va d'ina stgala si.

Co che la lungurella guarda ora, quai ta poss jau pelvaira dir. Per l'ina è ella fitg lunga.

Circa quant lunga?

Enfin a la fin da tut.

E per l'autra?, cloma la matta.

L'um era gia in pèr stgalims plinensi. Per l'autra è ella grisch clera, pli u main grisch clera.

Pli u main grisch clera, respunda la matta. Bler era pli u main grisch cler quel di, in giat, ina via, ina chautscha, plirs mirs, ma tut quai n'era betg avunda lung. La matta va tras ina giassa ed anc ina giassa e sut ina scarpa da viafier ora. Nagut n'è avunda lung. Ella traversa in champ, chamina lung in chanal cun paplas a l'ur, ed adina vinavant, senza far paus, fin a la fin da tut. Fin a la pli davosa fin.

La lungurella l'aveva gia vis da lunsch a s'avischinar. Ti, Vera?, dumonda ella, cura che la matta è datiers avunda.

Vera sa ferma. Danunder sas ti che jau hai num Vera?

Quai bad'ins bain immediat.

Vera contempla la lungurella: tar tai na bad'ins betg immediat. Per l'ina es ti bain fitg lunga e per l'autra pli u main grischa, ma uschiglio magari ...

... Magari tge?

La matta avra la bucca, ma i na sorta gnanc in pled. Ella susda.



La matta e la lungurella

da Jürg Schubiger

...

Forsa l'entaup **iau** insanua per casualitad, di la matta. **Ella** engrazia a la dunna e va. Ma, ponderescha **ella** cun ir, sche **iau** l'entaup propi, co **la** poss **iau** enconuscher? La matta dumonda quai ad in um en in vestgì da lavur oransch che va d'ina stgala si. Co che la lungurella guarda ora, quai **ta** poss **iau** pelvaira dir. Per l'ina è **ella** fitg lunga.

Circa quant lunga?

Enfin a la fin da tut.

E per l'autra?, cloma la matta.

L'um era gia in pèr stgalims plinensi. Per l'autra è **ella** grisch clera, pli u main grisch clera.

Pli u main grisch clera, respunda la matta. Bler era pli u main grisch cler quel di, in giat, ina via, ina chautscha, plirs mirs, ma tut quai n'era betg avunda lung. La matta va tras ina giassa ed anc ina giassa e sut ina scarpa da viafier ora. Nagut n'è avunda lung. **Ella** traversa in champ, chamina lung in chanal cun paplas a l'ur, ed adina vinavant, senza far paus, fin a la fin da tut. Fin a la pli davosa fin.

La lungurella l'aveva gia vis da lunsch a s'avischinar. **Ti**, Vera?, dumonda **ella**, cura che la matta è datiers avunda.

Vera sa ferma. Danunder sas **ti** che **iau** hai num Vera?

Quai bad'**ins** bain immediat.

Vera contempla la lungurella: tar **tai** na bad'**ins** betg immediat. Per l'ina es **ti** bain fitg lunga e per l'autra pli u main grisch, ma uschiglio magari Magari tge?

La matta avra la bucca, ma **i** na sorta gnanc in pled. **Ella** susda.



Collia las dumondas da vart sanestra cun las dumondas correspondentas da vart dretga.

Plascha questa giacca **ad ellas**?

Ma plascha questa giacca?

Plascha questa giacca **a vus**?

Ta plascha questa giacca?

Plascha questa giacca **ad ella**?

Al plascha questa giacca?

Plascha questa giacca **a tai**?

La plascha questa giacca?

Plascha questa giacca **ad els**?

Ans plascha questa giacca?

Plascha questa giacca **a nus**?

As plascha questa giacca?

Plascha questa giacca **a mai**?

Als plascha questa giacca?

Plascha questa giacca **ad el**?

Las plascha questa giacca?



Plascha questa giacca **ad ellas**?

Las plascha questa giacca?

Plascha questa giacca **a vus**?

As plascha questa giacca?

Plascha questa giacca **ad ella**?

La plascha questa giacca?

Plascha questa giacca **ad tai**?

Ta plascha questa giacca?

Plascha questa giacca **a els**?

Als plascha questa giacca?

Plascha questa giacca **a nus**?

Ans plascha questa giacca?

Plascha questa giacca **a mai**?

Ma plascha questa giacca?

Plascha questa giacca **ad ei**?

AI plascha questa giacca?

**Remplazza ils pronoms accentuads cun pronoms nunaccentuads.**

Model: - Plascha questa chamischa **a tai**?
 - **Ta** plascha questa chamischa?

1. Plaschan quests chalzers a vus?

2. Plascha questa tschinta ad ella?

3. Plascha quest paraplievgia a tai?

4. Plaschan questas chautschas a nus?

5. Plaschan quests vestgids ad els?

6. Jau preschent **tai**, ti preschentas **mai**.

7. Els gidan **nus**, nus gidain **els**.

8. Ti vesas **ellas**, ellas vesan **tai**.

9. Nus tschertgain **vus**, vus tschertgais **nus**.

10. Vus salidais **el**, el salida **vus**.



1. Plaschan quests chalzers a vus?

As plaschan quests chalzers?

2. Plascha questa tschinta ad ella?

La plascha questa tschinta?

3. Plascha quest paraplievgia a tai?

Ta plascha quest paraplievgia?

4. Plaschan questas chautschas a nus?

Ans plaschan questas chautschas?

5. Plaschan quests vestgids ad els?

Als plaschan quests vestgids?

6. Jau preschent **tai**, ti preschentas **mai**.

Jau **ta** preschent, ti **ma** preschentas.

7. Els gidan **nus**, nus gidain **els**.

Els **ans** gidan, nus **als** gidain.

8. Ti vesas **ellas**, ellas vesan **tai**.

Ti **las** vesas, ellas **ta** vesan.

9. Nus tschertgain **vus**, vus tschertgais **nus**.

Nus **as** tschertgain, vus **ans** tschertgais.

10. Vus salidais **el**, el salida **vus**.

Vus **al** salidais, el **as** salida.



P 5

Pronom object nunaccentuà

Remplazzai l'object cun in pronom nunaccentuà

- Vendas ti **la chasa**?
- Ussa betg anc, ma jau **la** vend forsa pli tard.

1. Vesan els ils autos?

2. Telefonais vus a la dunna?

3. Engrazian els a l'aug?

4. Emprendas ti ils pleds?

5. Pajais vus las mobiglias?



1. Vesan els **ils autos**?

Ussa betg anc, ma els **als** vesan forsa pli tard.

2. Telefonais vus a **la dunna**?

Ussa betg anc, ma nus **la** telefonain forsa pli tard.

3. Engrazian els a **l'aug**?

Ussa betg anc, ma els **al** engrazian forsa pli tard.

4. Emprendas ti **ils peds**?

Ussa betg anc, ma jau **als** emprend forsa pli tard.

5. Pajais vus **las mobiglias**?

Ussa betg anc, ma nus **las** pajain forsa pli tard.



Explaina las largias cun la dretga furma dal pronom che stat en parantesa. Mintgant stos ti agiuntar ina preposiziun.

1. La mamma cloma (ti) Ella (ti) dat in mail.
2. Ier hai (jau) visità mes ami malsaun. La mamma ha manegià d' (el) purtar ina tschigulatta.
3. Jau regord! (Jau) vegn cun (ti)
4. Il bab spetga ina buna prestaziun (ti)
5. Has emblidà (jau) ?
6. (Jau) n'han ins ditg insumma nagut.
7. Vesas ussa (jau) ?
8. Il bab (ti) ha cumandà da far questa lavur.
9. (Ti) na pon ins betg sa fidar.
10. (Nus) stuain chastiar (ti)
11. Circa avant in onn è (el) ì a Cuira ad abitar. Là ha la citad (el) offert ina stupenta piazza. Dapi lura n'avain (nus) udì nagut pli (el) Sia dunna n'aveva betg grond plaschair da sa chasar a Cuira. La vita en citad na (ella) vegn betg a plaschair.



1. La mamma cloma **tai**. Ella **ta** dat in mail.
2. Ier hai **jau** visità mes ami malsaun. La mamma ha manegià d'**al** purtar ina tschigulatta.
3. Jau **ma** regord! **Jau** vegn cun **tai**.
4. Il bab spetga ina buna prestaziun **da tai**.
5. Has embridà **mai**?
6. **A mai** n'han ins ditg insumma nagut.
7. Vesas ussa **mai**?
8. Il bab **t'**ha cumandà da far questa lavur.
9. **Da tai** na pon ins betg sa fidar.
10. **Nus** stuain chastiar **tai**.
11. Circa avant in onn è **el** ì a Cuir ad abitar. Là ha la citad **al** offert ina stupenta piazza. Dapi lura n'avain **nus** udì nagut pli **dad el** . Sia dunna n'aveva betg grond plaschair da sa chasar a Cuir. La vita en citad na **la** vegn betg a plaschair.



Grammatica 2

Il pronom possessiv				
<p>Sco adjectiv en posiziun attributiva e predicativa</p>	<p><u>sg.m.</u></p> <p>mes tes ses noss voss lur</p>	<p><u>pl.m.</u></p> <p>mes tes ses noss voss lur</p>	<p><u>sg.f.</u></p> <p>mia tia sia nossa vossa lur</p>	<p><u>pl.f.</u></p> <p>mias tias sias nossas vossas lur</p>
	<p>attributiv: predicativ:</p>	<p><u>exempel:</u> mes chapè quest chapè è mes</p>	<p><u>exempel:</u> mes chapels quests chapels èn mes</p>	<p><u>exempel:</u> mia chasa questa chasa è mia</p>
<p>Pronoms possessivs nominalisads</p>	<p>il mieu il tieu il sieu il noss il voss il lur</p> <p><u>exempel:</u> quai è il mieu</p>	<p>ils mes ils tes ils ses ils noss ils voss ils lur</p> <p><u>exempel:</u> quai èn ils mes</p>	<p>la mia la tia la sia la noss la vossa la lur</p> <p><u>exempel:</u> quai è la mia</p>	<p>las mias las tias las sias las nossas las vossas las lur</p> <p><u>exempel:</u> quai èn las mias</p>




P 7

Pronoms possessivs

Guarda la grammatica 2.


Scriva tut las furmas dals pronoms possessivs sin las lingias sutvart.

masculin singular




pullover preferì

feminin singular




giacca preferida

masculin plural



egliers preferids


feminin plural




chautschas preferidas




masculin singular




feminin singular



masculin plural



feminin plural





Metta ils pronoms possessivs en la furma nominalisada (mia giacca ➔ la mia).

Quai è mia giacca.



Quai è la mia.

1. Quai èn mias chautschas. ➔

2. Quai è mes pullover. ➔

3. Quai èn mes egliers. ➔

4. Quai è tes chapè. ➔

5. Quai è tia giacca. ➔

6. Quai èn tes chalzers. ➔

7. Quai èn tias jeans. ➔

8. Quai è ses mantè. ➔

9. Quai èn ses pullovers. ➔

10. Quai è sia giacca. ➔

11. Quai èn sias blusas. ➔

12. Quai è noss chapè. ➔



- | | | |
|-----------------------------|---|-------------------|
| 1. Quai èn mias chautschas. | ↔ | Quai èn las mias. |
| 2. Quai è mes pullover. | ↔ | Quai è il mieu. |
| 3. Quai èn mes egliers. | ↔ | Quai èn ils mes. |
| 4. Quai è tes chapè. | ↔ | Quai è il tieu. |
| 5. Quai è tia giacca. | ↔ | Quai è la tia. |
| 6. Quai èn tes chalzers. | ↔ | Quai èn ils tes. |
| 7. Quai èn tias jeans. | ↔ | Quai èn las tias. |
| 8. Quai è ses mantè. | ↔ | Quai è il sieu. |
| 9. Quai èn ses pullovers. | ↔ | Quai èn ils ses. |
| 10. Quai è sia giacca. | ↔ | Quai è la sia. |
| 11. Quai èn sias blusas. | ↔ | Quai èn las sias. |
| 12. Quai è noss chapè. | ↔ | Quai è il noss. |



Grammatica 3

Ils pronoms demonstrativs

Furmas	quest(s), questa(s) quel(s), quel(la) lez(s), lezza(s) tschel(s), tschella(s) tal(s), tala(s) medem(s), medema(s) sez(s), sezza(s)	_____ _____ _____ _____ _____ _____	Adiever (absolut e sco adjectiv attributiv) sco en ils singuls idioms!
	quai → quai è vair(a) gliez → gliez sa mintgin tschai → quai e tschai		Atenziun S: [≠ quai cudesch!] rg: quest cudesch [≠ tschai um!] rg: tschel um

Ils blers pronoms demonstrativs pon vegnir duvrads sco accompagnaders e sco remplazzants. Insaquants pon vegnir duvrads mo en ina moda e maniera.

sco accompagnaders e remplazzants	
<p> <i>quest(s), questa(s)</i> <i>quel(s), quella(s)</i> <i>tschel(s), tschella(s)</i> <i>lez(s), lezza(s)</i> </p> <p> Fitg savens pon ins remplazzar il pronom demonstrativ <i>lez</i> cun <i>quel</i>. ➔ <i>E la mamma, tge vegn <u>lezza</u> a dir?</i> ➔ <i>E la mamma, tge vegn <u>quella</u> a dir?</i> </p>	<p> sco accompagnaders: <i><u>Quest</u> cudesch è propi bel.</i> <i><u>Quella</u> chasa ha ina stupenta vista.</i> <i><u>Tschellas</u> istorgias m'han plaschi meglier.</i> <i>Da <u>lezs</u> temps pudev'ins anc giugar sin via.</i> </p> <p> sco remplazzants: <i><u>Quest</u> qua plascha meglier a mai.</i> <i><u>Quels</u> (= ils giasts) vegnan anc ad esser stuts.</i> <i>Quellas chautschas èn pli bellas che <u>tschellas</u>.</i> <i>La mamma, tge vegn <u>lezza</u> a dir?</i> </p> <p> Cun il pronom demonstrativ <i>quest</i> po il pledader menziunar ina persuna u chaussa ch'al stat datiers en spazi e temp. ➔ <i><u>Questa</u> saira giain nus a teater</i> </p> <p> Il pronom <i>quel</i> inditgescha en general insatgi u insatge ch'è pli dalunsch dal pledader. ➔ <i>Jau n'embrid mai <u>quella</u> saira.</i> ➔ <i>Prenda <u>quest</u> cudesch qua e betg <u>quel</u> là.</i> </p>



be sco accompagnaders	
<i>in(a) tal(a), tal(a)s</i> <i>sez(s), sezza(s)</i>	<i><u>Tals</u> accidents n'emblidan ins betg uschè spert.</i> <i>Jau <u>mez</u> hai fatg gentar.</i>
be sco remplazzants	
<i>quai invariabel schai invariabel</i> <i>gliez invariabel</i> La furma senza referenza ad in genus, gliez , po vegnir duvrada be sco remplazzant. ☛ <i><u>Gliez</u> lain nus alura anc guardar.</i> ☛ <i><u>Gliez</u> na crai jau mai.</i>	<i><u>Quai</u> n'è betg vair.</i> <i><u>Tschai</u> pos tegnair per tai.</i> <i><u>Gliez</u> na crai jau mai.</i>

Il pronom demonstrativ **sez** stat usualmain suenter in pronom persunal per rinforzar il pled che preceda.

Jau mezza hai scrit quai.
Ella sezza ha ditg quai.

Mai mezza n'ha el betg vis.
Dad ella sezza n'ha el ditg nagut.

	pron. persunal subject		pron. persunal object	
persuna	sg. masc.	sg. fem.	pl. masc.	pl. fem.
1. pers. sg.	<i>jau mez</i>	<i>jau mezza</i>	<i>mai mez</i>	<i>mai mezza</i>
2. pers. sg.	<i>ti tez</i>	<i>ti tezza</i>	<i>tai tez</i>	<i>tai tezza</i>
3. pers. sg.	<i>el sez</i>	<i>ella sezza</i>	<i>el sez</i>	<i>ella sezza</i>
1. pers. pl.	<i>nus sezs</i>	<i>nus sezzas</i>	<i>nus sezs</i>	<i>nus sezzas</i>
2. pers. pl.	<i>vus sezs</i>	<i>vus sezzas</i>	<i>vus sezs</i>	<i>vus sezzas</i>
3. pers. pl.	<i>els sezs</i>	<i>ellas sezzas</i>	<i>els sezs</i>	<i>ellas sezzas</i>

**Suttastritga ils pronoms demonstrativs.**

1. Questa chaussa ston ins prender serius.
2. Da lezza notg ans regurdain nus anc oz cun sgarschur.
3. Gliez onn n'era la racolta betg stada buna.
4. Questa notg vegni a plover.
5. Da quai na dastg'ins betg tolerar.
6. Quest proceder va cunter la lescha.
7. La fradaglia da quest enviern ha donnegià las plantinas davos chasa.
8. Da quella vart da las Alps è l'aura stada meglra durant l'entir enviern.
9. Ella ha sezza ditg ch'ella n'haja anc mai vis quest um.



1. **Questa** chaussa ston ins prender serius.
2. Da **lezza** notg ans regurdain nus anc oz cun sgarschur.
3. **Gliez** onn n'era la racolta betg stada buna.
4. **Questa** notg vegni a plover.
5. Da **quai** na dastg'ins betg tolerar.
6. **Quest** proceder va cunter la lescha.
7. La fradaglia da **quest** enviern ha donnegià las plantinas davos chasa.
8. Da **quella** vart da las Alps è l'aura stada meglra durant l'entir enviern.
9. Ella **sezza** ha ditg ch'ella n'haja anc mai vis **quest** um.



Emplaina las largias cun in pronom demonstrativ adattà. La chaschutta ta dat ina survista dals pronoms pussaivels. I dat pliras soluziuns.

gliez	quai		tschai		tschella		lezza
	quel		lez		quella		sez
		questa					

1. è stà l'emprima lumparia.
2. che charezza la patria, vul era proteger la natira.
3. fiss propi la megla soluziun.
4. Il directur da l'interpresa vul manar discussiun.
5. sto mintga uman decider
6. vesa ora bler meglier.
7. Qua manca anc e
8. emna è il vischin ù a culm cun las vatgas.
9.na sai jau era betg.



1. **Quai / Gliez** è stà l'emprima lumparia.
2. **Quel** che charezza la patria, **lez** vul era proteger la natira.
3. **Quai / Tschai / Gliez** fiss propi la meglra soluziun.
4. Il directur da l'interpresa vul manar **questa** discussiun.
5. **Quai / Tschai / Gliez** sto mintga uman decider **sez** .
6. **Quai / Tschai / Gliez** vesa ora bler megljer.
7. Qua manca anc **quai** e **tschai** .
8. **Quest' / Tschell' / Lezz'** emna è il vischin ù a culm cun las vatgas.
9. **Quai** na sai jau era betg.



Grammatica 4

Il^s pronoms interrogativs

Furmas ed adiever	tgi?	tgi vegn cun mai? tgi clomas?
	tge?	tgi che ha egls vesa tge è quai? tge fas ti qua?
	qual(s)? quala(s)?	jau sai tge che ti vuls qual è il tieu? prenda quala che ti vuls qualas vulais vus prender?
	tgenin(s)?	tgenin has ti cumprà? prenda tgenin che ti vuls
	tgenina(s)?	tge cudeschs legiais vus? vuls ti propi savair tgenins?

diever sco accumpagner	diever sco remplazzant
	<u>Tgi</u> vegn cun mai?
	<u>Tge</u> è quai? <u>Tge</u> fas ti qua?
<u>Tge</u> chaunun che ti has! <u>Tge</u> cudeschs legiais vus?	<u>Tgenin</u> è il tieu? <u>Vuls ti propi savair tgenins?</u>
<u>Qual</u> pullover cumpras ti?	<u>Qual</u> ta plascha il meglier?
<u>Quantas</u> abitaziuns stas ti nettegiar?	<u>Quant</u> ditg dura quai?

Il^s pronoms interrogativs vegnan per il pli **duvrads per far dumondas**.

frasa interrogativa directa

Tgi ha telefonà?

Tge pullover duai jau trair en?

En tge chasa abitais vus?

/

diever sco accumpagner

Tge velo ta plascha?

En tge chasa stas ti?

Tge cudeschs legiais vus?

Tge vacanzas t'han plaschi meglier?

frasa affectiva exclamativa

Tgi faschess ina tala tuppada!

Tge bel pullover che ti has!

En tge bella chasa che vus abitais!

diever sco remplazzant

Tgenin ta plascha?

En tgenina stas ti?

Vuls ti propi savair tgenins?

Tgeninas t'han plaschi meglier?

Remartga: La cumbinaziun engiadinaisa *tgenina chasa* n'exista betg en rumantsch grischun (= *tge chasa*).

Remartga:

Pleds sco *nua*, *cura*, *pertge*, *co* èn adverbs.



Explaina las largias cun in pronom demonstrativ adattà.

Davant la vitrina

Venderdi saira. Sina e Gada èn stadas a kino. Il film las ha plaschè bain. Ussa èn ellas sin via a chasa. Tutenina sa ferma Sina davant las vitrinas d'ina fatschenta da moda.

S: Guarda *tge* bella rassa! _____ qua plascha a mai. Donn ch'ella è uschè chara.

G: *Tgenina?*

S: _____ cotschna qua en il chantun. *Tge* dis da _____?

G: A mai na plascha _____ betg tant. Jau preferiss _____ grischa cun strivlas vi là. _____ è bler pli eleganta.

S: Gliez è vair. *Quant* custa _____?

G: 190 francs.

S: 190 francs! Ma _____ è da nar!

G: _____ rassa blava là sper _____ vestgì mellen là, _____ è pli bunmartgada. E _____ stess bain a tai!

S: Manegias?

G: Cler, _____ è tes stil. Ina rassa sportiva e tuttina fina. Na vuls ti betg cumprar ella?

S: Ussa betg, per il mument n'hai jau betg raps avunda. Forsa pli tard.



Davant la vitrina

Venderdi saira. Sina e Gada èn stadas a kino. Il film las ha plaschè bain. Ussa èn ellas sin via a chasa. Tutenina sa ferma Sina davant las vitrinas d'ina fatschenta da moda.

S: Guarda tge bella rassa! **Questa** qua plascha a mai. Donn ch'ella è uschè chara.

G: Tgenina?

S: **Questa** cotschna qua en il chantun. Tge dis da **questa**?

G: A mai na plascha **questa** betg tant. Jau preferiss **quella** grischa cun strivlas vi là. **Quella** è bler pli eleganta.

S: Gliez è vair. Quant custa **quella**?

G: 190 francs.

S: 190 francs! Ma **quai** è da nar!

G: **Quella** rassa blava là sper **quel** vestgì mellen là, **quella** è pli bunmartgada. E **quella** stess bain a tai!

S: Manegias?

G: Cler, **quai** è tes stil. Ina rassa sportiva e tuttina fina. Na vuls ti betg cumprar ella?

S: Ussa betg, per il mument n'hai jau betg raps avunda. Forsa pli tard.



Scriva ils pronoms interrogativs a l'entschatta da la dumonda e dà resposta.

1. _____ sa ferma tuttenina davant las vitrinas?

2. _____ guardan las duas dunnas en las vitrinas?

3. _____ rassa preferescha Gada?

4. _____ cumprass Sina finalmain?

5. _____ è il motiv, per il qual Sina na cumpra betg immediat la rassa?



I dat pliras pussaivladads.

1. **Tgi** sa ferma tuttenina davant las vitrinas?

Sina sa ferma tuttenina.

2. **Tge** guardan las duas dunnas en las vitrinas?

Ellas guardan las differentas rassas en las vitrinas.

3. **Quala** rassa preferescha Gada?

Gada preferescha la rassa blaua sper il vestgì mellen.

4. **Tgenina** cumprass Sina finalmain?

Sina cumprass la rassa blaua.

5. **Tge** è il motiv, per il qual Sina na cumpra betg immediat la rassa?

Ella n'ha betg raps avunda.



P 12 **Pleds cruschads**

orizontal

- 4. Cuntrari da **nagin**.
- 6. **Plaschan ellas ad el?** Mida la frasa (ils pleds n’han nagin spazi tranteren).
- 9.vegn cun mai en vacanzas?
- 10. Jau hai scrit questa brev.

vertical

- 1. **tes** è in pronom
- 2. Quant custa rassa vi là?
- 3. **tge** è in pronom.....
- 5. **quel** è in pronom
- 7. **vus** è in pronom
- 8. **El gida mai**. Mida questa frasa (ils pleds n’han nagin spazi tranteren).

The crossword puzzle grid consists of the following numbered starting points:

- 1:** Vertical, 7 cells.
- 2:** Vertical, 5 cells.
- 3:** Vertical, 10 cells.
- 4:** Horizontal, 4 cells.
- 5:** Horizontal, 3 cells.
- 6:** Horizontal, 10 cells.
- 7:** Vertical, 8 cells.
- 8:** Horizontal, 6 cells.
- 9:** Horizontal, 3 cells.
- 10:** Horizontal, 4 cells.




orizzontale

4. FINADIN 6. ALPLASCHANELLAS 9. TGI 10. MEZZA


verticale

1. POSSESSIV 2. QUELLA 3. INTERROGATIV 5. DEMONSTRATIV 7. PERSONAL
8. ELMAGIDA





Surfar stuess ins savair!



Vela				
Colur				
Num				
Vegliadetgna				

Quant veglia è Denise?

1. Las aissas da surf cun las velas 2 e 9 èn ina sper l'otra.
2. Heidi è dus onns pli giuvna che Anna, dentant pli veglia che Gabriela.
3. L'aissa cun la vela numer 3 è la segunda da dretga.
4. Anna surfescha cun ina vela melna.
5. Denise è 5 onns pli veglia che Heidi.
6. La vela verda ha il numer 7.
7. L'aissa cun la vela numer 9 appartegna a la giuvna da 22 onns.
8. Sper Anna surfescha la sportista cun ina vela blaua.
9. Gabriela ha 18 onns e stat sin l'assa cun la vela cotschna.
10. Denise surfescha a sanestra dal tut.

Resposta: _____

**S 13****Logical**

Successiun:

3, 10, 1/6, 4/8/9, 2/5/7, 1, dumonda.

Resposta:

Denise ha 25 onns.

Vela	2	9	3	7
Colur	blau	mellen	cotschen	verd
Num	Denise	Anna	Gabriela	Heidi
Vegliadetgna	25 onns	22 onns	18 onns	20 onns



Giugai en gruppas da dus. In entschaiava en il chantun giudim a sanestra, l'auter sisum a dretga. La finamira è da vegnir en il chantun sur la diagonala. Mintga giada ch'ins è vidlonder, dastg'ins ir in pass en direcziun orizzontala u verticala. Inditgescha mintgamai in (auter) pronom pussaivel per las largias / ils plets scrits grass. Sche quai constat, dastgas ti star en il lieu, uschiglio stos ti ir enavos ed empruvar in'otra via la proxima runda.

Jau vom a lavar il resti .	Tge faschain ... il suentermezdi?	Tschertins na vulan betg ... adattar.	Cura va Lea a scola?	Oz dorman las giuvnas anc.
Tge ha il buob fatg?	El vegn a gidar tai .	La chausa è fitg simpla.	Pli baud na ... lavava la gliעד strusch.	Jau ves ella .
Ils lieus plaschan a las mattas .	Ils uffants rimnan raps .	Il toc lain n'è betg bun per arder.	Ils mustazs na plaschan betg ad el .	L'utschè chanta bain.
Jau fatsch in compliment ad ella cudesch da plets è rut.	Ti ... sforzas d'emprènder ils plets.	Quai n'è betg noss problem, ma ...	Ils purs ... legran dad ir ad alp.
El ... ha dà in rispli, jau n'aveva nagin.	La maschina rempiazza la persuna discurren dal rastè.	La mamma fa in té per tai .	Els scrivan a lur ami .
Nus empruvain la rassa .	Els gidan ils uffants .	Jau vend la chasa en paucs onns.	Ti tschertgas tias amias .	El preschenta ils participants da curs .
Jau giaschel sin il venter dad el .	El emprova da sustegnair nus .	Vus faschais obedienscha als geniturs .	Jau cumprel in paun per ... famiglia.	Ella taidla gugent musica da sturs .
Ella discorra savens da ... ami.	Oz na po ... betg lavurar uschè svelt.	Salidai ... geniturs, sche vus turnais a chasa.	Nus telefonain a noss bab questa saira.	Fineschas ti prest tes studi ?



Jau al vom a lavar.	Tge faschain nus il suentermezdi?	Tschertins na vulan betg s'adattar.	Cura va ella a scola?	Oz dorman ellas anc.
Tge ha el fatg?	El ta vegn a gidar.	Ella è fitg simpla.	Pli baud na sa lavava la gliעד strusch.	Jau la ves.
Ils lieus las plaschan.	Ils uffants als rimnan.	El n'è betg bun per arder.	Ils mustazs n' al plaschan betg.	El chanta bain.
Jau la fatsch in compliment.	Il cudesch da peds è rut.	Ti ta sforzas d'emprender ils peds.	Quai n'è betg noss problem, ma il voss .	Ils purs sa legran dad ir ad alp.
El m'ha dà in rispli, jau n'aveva nagin.	La maschina la remplazza.	Nus discurren dal rastè.	La mamma ta fa in té.	Els al scrivan.
Nus l'empruvain.	Els als gidan.	Jau la vend en paucs onns.	Ti las tschertgas.	El als preschenta.
Jau giaschel sin ses venter.	El emprova d' ans sustegnair.	Vus als faschais obedientscha.	Jau cumprel in paun per mia famiglia.	Ella la taidla gugent.
Ella discorra savens da ses ami.	Oz na po el/ella betg lavarar uschè svel.	Salidai voss geniturs, sche vus turnais a chasa.	Nus al telefonain questa saira.	Al fineschas ti prest?

**Finamira**

- Crear frisas cun pronoms. Savair duvrar ils pronoms.

Temp

- 10 – 30 min.

**Furma sociala**

- Gruppas da 4-5 persunas

Faschai frisas cun ils pronoms. Cun egls serrads tutga in dals participants cun il piz d'in rispli il pronom tschertgà per la runda da giu actuala.

Tgi che ha scrit ina frasa, metta il maun amez la maisa. Mintgin che finescha suenter, metta il maun sur quel dal precedent. Lura prelegia mintgin sia frasa. Sche la frasa è correcta, survegn quel che ha mess il maun amez la maisa sco emprim tants puncts sco ch'igl ha congiugaders, il segund in pli pauc, e.u.v. . Sche la frasa è faussa, na datti nagins puncts per questa persuna. A la fin dal giu vegnan tut ils puncts dumbrads ensemen.

jau	ti	el	ella
nus	vus	els	ellas
i	igl	mai	tai
ma	m'	ta	t'
ans	as	sa	s'
sai	mes	tes	ses
noss	voss	lur	mia
tia	nossa	vossa	mias
tias	sias	sia	nossas
vossas	al	la	l'
als	las		



- Ils participants/las participantas dal curs (PDC) enonuschan ils pronoms persunals subjects (jau, ti, el, ella etc.) ed objects (accentuads: a mai, a tai, ad el, ad ella etc.; nunaccentuads: ma, ta, al, la etc.).
- Ils PDCs san applitgar correctamain ils pronoms persunals subjects ed objects (accentuads e nunaccentuads) ed ils pronoms possessivs (nominalisads).
- Ils PDCs enonuschan ils pronoms possessivs (mia, tia, sia etc.) ed ils pronoms possessivs nominalisads (il mieu, il tieu, il sieu etc.) ed als san applitgar correctamain.
- Ils PDCs enonuschan e san applitgar correctamain ils pronoms demonstrativs ed ils pronoms interrogativs.

Co ta sentas? Colurescha la fatscha correspondententa.

